

Umuti wa kucingilila KOVID-19

Ngefyo mwaishiba ubulwele bwa kashishi ka korona, ubwaishibikwa nga KOVID-19, bulwele ubukali sana ubo ubusabankene mu calo conse ica mwisonde. Muno mu Rhode Island, abantu ukucila pali 85,000 balilwala KOVID-19, elyo abantu ukucila pali 1,800 ebafwa kuli KOVID-19.

Imiti yalipangwa iyakucingilila abantu ukukanayambula KOVID-19, elyo balatendeka nokusalanganya iyi imiti.

Umuti wa bucingo muti uwafwilisha umubili wa muntu ukupanga ubucingo ku bulwele, emukutula, ilyo umuntu apokelela umuti wa bucingo, uyu muntu kuti akumana no bulwele ukwabula ukuti ambule.

Ukucingililwa kukankala pantu takucingililafye umuntu uwapokelela umuti, lelo kulacingilila nokuti ubulwele bwiyaambukila ku bantu bambi, pamo nga balupwa, abena mupalamano, abasambi banenu, elyo nabambi abo mwikala nabo muncende imo.

Umuti uupya uwabucingo bwa KOVID-19 walipimwa sana kubucingo bwa buumi busuma ubwa abo abalepeelwa ilyo taulasuminishiwa ukubomfiwa mu United States. Umuti wabucingo bwa KOVID-19 tawakwatamo utushishi utwa mweo elyo kabili tamwaba ubusanso ubuli bonse ubwa kuleta ubulwele ku muntu uwapeelwa uyu muti.

Umuti wabucingo bwa KOVID-19 uulebomfiwa mu United States ulekabila ukupeelwa imiku ibili. Umuku wakubalilapo ulatampa ukukuula ubucingo, lelo umuntu uuli onse afwile ukubwela umuku wa bubili panuma ya milungu inono ukwisa poka umuti walenga bubili pakuti engacingililwa bwino.

Abantu abengi tabakwata amafya ayakosa panuma bapeelwa umuti wabucingo. Ifintu fimo ifyayafya ificitika ku bantu abapeelwapo umuti fyakuti, ukuboko kuti kwafimba, ukukashika, nangu ukukaba ngawaikatako. Ifi fishibilo ilingi filaipwilafye mu mulungu umo. Abantu bamo batila kulaba ukumfwa umutwe ubukali nangu impepo ilyo bapeelwa uyu muti. Ifi fintu fishibilofye ifyakutula ubucingo bwa mubili wenu bulebombafye ifyo bulingile ukubomba. Bulebomba nokukuula ubucingo bwa mubili ku bulwele.

Umuti wa bucingo uwashitwa ne ndalama sha musonko wa calo ca U.S. ukalapeelwafye kuli bonse ukwabula ukulipila nangu cimo. Nangu cibe ifyo, abakalapeela uyu muti bakalapingulapo akalupiya kamo aka milimo pakumipeela uyu muti. Abakalapeela uyu muti wa bucingo kuti balipilwa ishi ndalama no twampani twabucingo bwabalwele nangu, kuli abo abashalembesha ku bucingo bwa kuntanshi, kuti balipililwa na kabungwe ka Health Resources and Services Administration's Provider Relief Fund.

Cila calo calikwata ubwanshiko bwaciko ubwa abo abakabalilapo ukupeelwa uyu muti wabucingo elyo nefyo umuti wabucingo ukulasalanganishiwa. Ababomfi bafya buumi elyo nabakalamba ebakabalilapo ukupeelwa uyu muti wabucingo. Panuma ya uku kupeelwa kwakubalilapo, Icalo ca Rhode Island cikalapeela inkonka mu nshiku ishikakonkapo. Pawishibilapo nafimbi kabiyeni pa **www.C19vaccineRI.org**